



Phedzero Lakubulukira Kudzulu

**La Kulembwa Na
Watson Goodman**

**Bukhuli Njapezi
Nee Ku Guliswa**

PHEDZERO LAKUBULKIRA KUDZULU

“PHEDZERO LAKUBULKIRA KUDZULU” na mavisikulo a malemba akupakwa mwakundendemera na mafala ache, kubulkira m’Bibilia. Ndisanyinda kuti kuthimizira kuna mphamu ya malemba ndiyo Bibilia.

Mafala a Mulungu abulukira kudzulu mbwenye asa phedza mitima yakumua njala na nyota ya kulungu ma. Penedo munthu angaphinduka ntima, mbaleka pyaku dawa pyache, mbachemera mbuya Yezu Khristu kuti akhale mu ntima mwache, mbanyinda na ntima wache, onsenetuna Yezu Khristu ninga mpulumusi wache, mbuya asaonesera yekhanene kuna nyakunyinda mbapasa ntendere na kunsadzaya kuna iye. Izi ndidadi ona mu 1937, mbwenye kubulkira penepo sidaleka tayu chimuerand chakudzuozumisa cha muna mbuya. Nakuchimbiza kuti mugonjere kuna iye mchimchino kuti akhale mbuya na npulu musi wanu ngati mbamuozati kugonjera kale tayu kufuna iye.

— Watson Goodman

CHIFUNO CHA MU LUNGU

1

Mbwenye Khristu atifera, pik-hakhala ife anyamalwa a Mulungu!
—Aroma 5:8

Ipyo pyonsene mbapichitwa, ik-hadafika ntsiku yakugonesera phwando ya Paskwa. Yezu akhadziwa kuti wakwana ndzidzi wache wa kubuluka pantsi pano mbaenda kuna Baba. Akhadafunafuna anthu akhali pantsi pano, mbaafuna mpaka kumalisa basa yache.
—Juwau 13:1

Na kwa Yezu Khristu, mboni wakukhulupirika na wakutoma adalamubswa muli akufa mbatonga amambo a pantsi pano. Kris-

tu asatifuna! Atichololera chiropa chache, towera atipulumuse m'-madawo athu. —Chidziwiso 1:5

Mulungu afuna anthu a pantsi pano pikulu pyene mbaapasa Mwana mbodzi ekha. Chinchino anthu onsene anakhulupira Mwana wa Mulungu, hanataika tayu, mbwenye anakhala na moyo wakukhaliratu.
—Juwau 3:16

Anakhonda kufuna, hanadziwa Mulungu tayu, thangwi Mulungu ndi kufuna. Kutifuna kwache Mulungu kwapangizika tenepa: atuma Mwanache mbodzi ekha pantsi pano, towera thangwi ya iye atipase moyo upswa. —1 Juwau 4:8, 9

UMULUNGU WA YEZU KHRISTU

Pa kutoma, Mulungu mbadzati kuchita pyonsene, akhali kale ule anachemerwa Fala. Akhali kwa Mulungu; akhali sawasawa ninga Mulungu. Ule anachemerwa Fala, achitika munthu mbakhala pakati pa ife. Ife taona mbiri yache na ukulu wache wachimulungu, ukulu ule udapabswa Mwana mbodzi ekha na Baba. Mwa iye Mulungu atipangiza udidi wache wonsene na chikhulupiriko chache chonsene.

—Juwau 1:1 na 14

Na ipi pyonsene pyachitwa pidalonga Mbuya kale na mulomo wa mprofeta Yesaya kuti: mwali anakhala na mimba mbabala mwana wachimuna anachemerwa Eman-

uweli. Dzina yeneyi n'Chisena ndiko kubveka: Mulungu anakhala na ife.

—Mateyu 1:22, 23

“Ine na Baba ndife chinthu chibodzi chene.”

—Juwau 10:30

Yezu antawira; “Iwe, Filipi, ndakhala na imwe ntsiku zizinji zene, iwe udzati kundidziwa tayu? Anandiona ine pano, amala kumuna Baba. Unakwanisa tani kulonga: tipangizeni Baba? Hunatwira tayu kuti unagumana Baba muna ine? Pidalonga ine kuli imwe mwonsene, si pyanga tayu; mphya Baba anakhala mwa ine mbachita na ine ipi pyonsene.”

—Juwau 14:9, 10

YEZU MWANA WA MULUNGU

3

Anadzindikira kuti Yezu ndi **Mwana wa Mulungu**, ana Mulungu mwa iye mbakhala iyembo mwa Mulungu. —1 Juwau 4:15

Anju antawira: "Nzimu wa Mulungu unakudzera, mphambvu zache zinakugwera ninga chinthunzithunzi. Thangwi ya ipyo mwana anabala iwe, anachemerwa wadidiretu na Mwana wa Mulungu." —Luka 1:35

Iye mbadzati kumala longa, penepo pene paoneka khole yaku-yetima padzulu pawo, mbibveka nkati mwache fala ikhalonga: "Uyu ndi Mwananga wa pa ntima. Ndiye anakomeratu kuna ine. Mbvereni!" —Mateyu 17:5

Iye antawira: "Mbuya, mung-andipanga kuti ndiye ani, ndina-funa kunkhulupira." Yezu alonga kuli iye: "Wamuona kale; ndiyene analonga na iwe!" —Juwau 9:36, 37

Khristu ndi Mbuya wa mphambvu zonsene za kudzulu.

—Akolose 2:9

"Ine, Mulungu andisankhula mbandituma pantsi pano. Mphapo, munalonga tani kuti ine ndaxola Mulungu na kulonga kuti ndine Mwana wa Mulungu? Pinachita ine pingakhonda kukhala mabasa a Baba wanga, hapinafunika tayu kuti munditawire."

—Juwau 10:36, 37

YEZU ASATIPANGA KUTI IYE MBANI

Yezu aatawira: "Imwe ndimwe a pantsi pano, mbwenye ine ndine wa kudzulu. Ande, imwe ndimwe a pantsi pano, mbwenye ine nkhabé!" Yesu aatawira: "Ndimo mwené, ndinakupangani kuti: INE NDINENE, Abaramu mbadzati kubalwa!" —Juwau 8:23 na 58

Nkazi alonga kuli Yezu: "Ndisadziwa kuti anabwera Mpulumusi wakupikirwá. Angabwera, anatitchululira pyonsene." Yezu antawira: "Uli kulonga na iye! Ndine-ne!" —Juwau 4:25, 26

Penepo Yezu atomá kulonga pontho mbati: "Nditawireni: ine ndine nsuwo unapita na mabira." —Juwau 10:7

Yezu aatawira: "Ine pano ndine nkate unapasa moyo! Anadza kuna ine, hanabvabve njala tayu, Anandikhulupira hanabvabve nyota tayu." —Juwau 6:35

"Ine mbandiri pantsi pano, ndine cheza cha pantsi pano." —Juwau 9:5

Yezu antawira: "Ine pano ndinapasa anthu kulamuka na moyo! Anandikhulupira, ankhala maso, maseze angamala kufa!" —Juwau 11:25

Yezu antawira: "Ine ndine nji-ra, ine ndine pyamaso, ine ndinembo moyo. Nkhabe munthu mbodzi anafikira Baba, angakhonda kuenda na pana ine!" —Juwau 14:6

PYAKUDZUDZUMISA PYA YEZU

5

Penepo Yezu aakhalisa anthu onsene pantsi, n'thongwe, akwata mapau maxanu na nyama ziwiri za m'madzi, ayañgana kudzulu, achita Mulungu takhuta, amenya mapau, mbaapasa anyakupfundzache, towera aagawire anthu. Onsene adya mbakhuta. Penepo anyakupfundza alokota pidasala, mbadzaza napyo pitundu khumi na piwiri. Amuna okhaokha akhadadya, akhali duzi na pikwi pix-anu; akazi na ana nkhabe kulengebswa tayu. —Mateyu 14:19-21

Simoni antawira: "Mpfundzisi, masiku onsene taphuphuta na kuphata basa cherwe mbatimanga chinthu tayu. Mbwenye than-

gwi mwapiłonga ndimwe, ndinagwisira pontho makokota." Iwo achita tenepa mbamanga nyama zizinji zene, makokota mbatomka kuthumuka.

—Luka 5:5, 6

Mbali mwa njira mukhakhala aboliboli awiri. Pidabva iwo kuti Yezu ali kupita, atoma kukhuwa: "Imwe, Mbuya, Mwana wa Davidi, tibvereni ntsisi!" Penepo Yezu aimira, mbaachemera na kuabvundza: "Munafunanji? Ndikuchitireninji?" Iwo antawira: "Mbuya, tinafuna kuona pontho." Yezu aabvera ntsisi mbakhuya maso awo. Penepo pene iwo akwanisa kuona pontho mbantowera Yezu.

—Mateyu 20:30 na 32-34

YEZU KHRISTU NDIYE NYAKUBALA PENU NYAKUSASANYA NA MBUYA

Thangwi ya iye Mulungu achita pyonsene pya kudzulu na pyapantsi. Hadachita na iye pinthu pyakuoneka basi tayu; achitambo na iye aanju onsene akukhonda kuoneka: ambuya, na anyakutonga, na anyamphambvu. Pyonsene, Mulungu apichita na iye na kuli iye.

—Akolose 1:16

Pinthu pyonsene pyachitwa na iye. Nkhabe chinthusu chinango chidakhonda chitwa na iye.

—Juwau 1:3

Thangwi Khristu afa mbalamuka poncho muli akufa, towera akhale Mbuya wa amaso na wa akufa.

—Aroma 14:9

Onsene mbabvekese kuti Yezu Khristu ndi Mbuya, towera Mulungu apabswe mbiri. —Afilipi 2:11

Kalene Mulungu . . . Mbwenye chinchino, pa ntsiku zakumalisa, alonga kuli ife na mulomo wa Mwanache. Ndiye adachita na Mulungu pyakudzulu na pyapantsi. Ndiyembo adasankhulwa na Mulungu, towera akhale Mbuya wa pinthu pyonsene.

—Aheberi 1:1a, 2

“Na tenepa anthu onsene a ku Israyeli mbadziwedi kuti Yezu uyu adakhomera imwe pa ntanda, Mulungu ankhalisa Mbuya na Mpulumusi!”

—Machitiro 2:36

YEZU KHRISTU NDI MTONGI WA ONSENE

7

Munalongeranji mphapo kuti mbale wanu adawa? Peno munampwaziranji? Ife tonsene tinakhala ntsiku ibodzi pa maso pa Mulungu, towera iye atonge miseruyathu.

—Aroma 14:10

Pa maso pa Mulungu na pa Yezu Khristu anatonga milando ya anthu onseno amaso na akufa angabwera iye dzakhala Mambo.

—2 Timoti 4:1

“Mwanamunhu angabwera towera akhale mambo, anaperekwa na aanju onseno mbakhala pa mpando wache wambiri. Pene po anthu a ku madziko onseno anagumanyibzwa pa maso pache; iye anagawa misoka miwiri ninga

nkumbizi anapambula mabira pa mobokho.” —Mateyu 25:31,32

“Pontho: Baba hanatonga milando ya anthu tayu. Mphambvu zache zonsene za kutonga milando, azipasa Mwana.” —Juwau 5:22

Ipi pyonsene pinaoneka pa kwecha ntsiku inatonga Mulungu milando ya anthu, mbaapangiza pyakubisala pya mu ntima mwawo. Ndizo mphangwa zidandipasa Yezu Khristu.

—Aroma 2:16

“Mbatipangwambo kuti tindere anthu na Mphangwa Zadidi, mbatichita umboni kuti Mulungu ampasa Mphambvu za kutonga miseru ya anthu onseno ali maso na akufa.” —Machitiro 10:42

DOMBO KUDZERA MUNA KHRISTU

Ine ndine nsuwo. Anapita na pana ine, anapulumubswa; anapita, anabuluka, anagumana thongwe.

—Juwau 10:9

Yezu antawira: “Ine ndine njira, ine ndine pyamaso, ine ndinembo moyo. Nkhabe munthu mbodzi anafikira Baba, angakhonda kuenda na pana ine!” —Juwau 14:6

“Thangwi ya ipyo ndalonga kale kuli imwe kuti: ‘Munataika thangwi ya madawiro anu!’ INE NDINENE. Mungakhonda kupitawira ipi, munataika thangwi ya madawiro anu.” —Juwau 8:24

Onsene adawa mbataya pya mbiri ya Mulungu pikhadasankhulirwa iwo. Mbwenye Mulungu

aabvera ntsisi mbaatambira pon-tho pa pezi na nkhombo zache. Thangwi ya Yezu Khristu atipulmusa m’mphambvu za madawo.

—Aroma 3:23, 24

Na tenepa iye anakwanisa kulpulumusiratu anthu onsene ana-fendezera Mulungu na uphezi wa-che. Thangwi iye anakhala ntsiku zonsene, towera aalongere miseru yawo kuli Mulungu. —Aheberi 7:25

Thangwi Yezu Khristu ndi impulmusi wathu mbodzi basi! Mulungu adziwisa anthu a pantsi panô ponsone dzina yache basi ina mphambvu za kuapulumusa. Nkhâbe dzina inango!”

—Machitiro 4:12

DOMBO KUDZERA MUNA KHRISTU

Mbwenye imwe, Mulungu akuchemerani, towera mugumanyikane na Yezu Khristu. Ndiye udzisi wathu udabuluka kwa Mulungu. Thangwi ya iye tinatambirwa na Mulungu. Thangwi ya iye Mulungu atikhalisa mbumba yache mbatipulumusa m'madawo anthu.

—1 Akorintu 1:30

Ndiye adapasika kuli ife. Ndiye adatipulumusa napyo m'pyakupipa pyonsene mbatichenesa, towera tikhale mbumba yache yakuwangisira kuchita pyadidi.

—Titu 2:14

Akhaimba nyimbo iyi ipswa: "Ndimwe wakukwanisa kukwata

bukhu na kukhumula pidzindikiro pyache. Thangwi mwaphiwa mba-muombola anthu na kupereka ntsembe ya moyowanu, anthu a madzindza onsene na a malongero onsene na a mbumba zonsene na a ku madziko onsene."

—Chidziwiso 5:9

"Mwanamunthu abwera, kudzasaka anthu adataika, towera aapulumuse." —Luka 19:10

Khalani na kufunana. Kumbukani kufuna kudakupangizani Khristu. Iye apasa moyo wache thangwi ya ife mbaupereka ninga ntsembe yakukomadi kuli Mulungu.

—Aefesu 5:2

10 CHIMVERANO CHA CHIROPA CHA KHRISTU

Chinchino na kukhala anthu adatambirwa na Mulungu thangwi ya kufa kwa Khristu, makama-ka tinapulumubswa na Khristu m'pya ukali wakutsogolo wa Mulungu.

—Aroma 5:9

Thangwi na kufa kwa Khristu ife tapulumubswa mbatipabswa kulekerwa kwa madawo athu.

—Aefesu 1:7

Mbwenye tingakhala mu cheza sawasawa ninga munakhalira Mulungu mu cheza, tinakhala na kugumanyikana; penepo chiropa chidaticholera Mwanache Yezu, chinatipulumusa m'madawo onsen.

—1 Juwau 1:7

Mbwenye chiropa cha Khristu chjna mphambvu zikulu maka kupita cha pifuyo! Thangwi Khristu wakudzala na Nzimu wa Mulungu adziperekeka kuli Mulungu, towera akhale ntsembe yadidi-retu. Chiropa chache chinachene-sa mitima yathu m'madawo onse-ne, towera tikhonde kuchita pon-tho pire pinapasa kufa, mbatitum-ikira Mulungu anapasa moyo.

—Aheberi 9:14

Mbwenye chinchino pano tase-keri pikulu pyene na kudziwa ku-ti Mulungu anakhala na ife thang-wi ya Mbuyathu Yezu Khristu adatichita axamwali ache Mulun-gu.

—Aroma 5:11

CHIPULUMUSO PAKUNYINDA MUNA KHRISTU 11

Mulungu mphapo atitambira thangwi ya kunkhulupira kwathu. Chinchino takhalika mu ntendere mwache thangwi ya Mbuyathu Yezu Khristu.

—Aroma 5:1

“Ungakhulupira Mbuya Yezu, unapulubswa pabodzi na nathu onsene a pa nyumba yako.”

—Machitiro 16:31b

Thangwi ana onsene a Mulungu anakwanisa kukunda pya pantsi pano. Na kutawira kwathu tamala kukunda pya pantsi pano.

—1 Juwau 5:4

Ande, mwapulumubswa na nkhombo zache zokha basi thangwi ya kunkhulupira kwanu Mulungu. Mudapulumubswa na mphambvu

zanu tayu; thangwi na kukhulupira kwanu kwene ndi muwoni udakupasani Mulungu pa pezi! Na tenepa nee munthu mbodzi ana chinthu chakugaya nacho.

—Aefesu 2:8, 9

Penepo iwo ambvundza: “Tichtenji, towera kuchita pinafuna Mulungu?” Yezu aatawira: “Mulungu asafuna chinthu chibodzi basi kuti munkhulupire uyu adatumwa na iye.” —Juwau 6:28, 29

Mbwenvye ipi pyonsene pyalem-bwa, towera mudzindikire kuti Yezu ndi Mwana wa Mulungu, Mpulumusi wakupikirwa. Mungankhulupira, munakhala na moyo thangwi ya iye.

—Juwau 20:31

NKHOMBO ZA MULUNGU

Mbatisimbeni Mulungu, Babache Mbuyathu Yezu Khristu. Ndiye Baba wantsisi kakamwe na Mulungu anatiwangisa midzidzi yonsene.

—2 Akorintu 1:3

Ifé ene tikhadachita pinthu pyadidi tayu; mbwenye Mulungu atibvera ntsisi mbatipulumusa. Na madzi a batismu Nzimu wache wadidiretu watibala pontho mbutichita anthu apswa. —Titu 3:5

Mwanamunthu abwera dzapulumusa anthu akutaika. Imwe, munanyerezeranji? Munthu angakhalà na mabira dzana ibodzi, anachitanji angaitaya ibodzi yawo? Kodi, hanasiya tayu mabira and-

zache makumapfemba na mapfemba pa nterero wa phiri mbaiska ire idataika? Andedi! Ndinakupangani kuti angaigumana, anakomerwa nayo pikulu kupita na andzache makumapfemba na mapfemba adakhonda kutaika. Sawasawa anachita Baba wanu wa kudzulu: iye hanafuna tayu kuti mbodzi wa anthu awa añgono atake pyache.” —Mateyu 18:11-14

Mbatifendezeni mphapo na chippapo pa mpando wa Mulungu wantsisidi. Penepo tinapabswa kulekerwa mbatigumana nkhombo midzidzi yonsene inafunika ipyo kuli ife.

—Aheberi 4:16

MULUNGU ASATICHEMELA TIBWERE KUNA IYE 13

Nzimu na nkazache Mwanabira alonga: "Bwera!" Onsene anapibva, alongembo: "Bwera!" Ana nyota, abwere; anafuna kumwa madzi amoyo, anaapabswa pezi.

—Chidziwiso 22:17

Pidafika ntsiku yakumalisa na ya ikulu kakamwe ya Phwando, Yesu akhaimira n'templo mbalonga kuli anthu: "Ana nyota, mbadze kuna ine, amwe!" —Juwau 7:37

Yezu na kuona ipi asiribzwa, mbapanga anyakupfundzache: "Lekani kuthawisa ana tayu! Adze kuna ine! Thangwi Dziko ya Mulungu nja anthu anakhala ningga iwo." —Marki 10:14

"Imwe mwonsene musabzwandwa na mitolo ya matongero adakuthukani anyamwambo. Bwera ni kuna ine! Ine ndinakutulani mitolo."

—Mateyu 11:28

Pidakwana ntsiku ya kudya phwando, atuma mbandazi wache kaapanga kuti abwere kudzadya, thangwi pyonsene pyamala kusanywa.

—Luka 14:17

Thangwi atipulumusa mbatichemera, towera tikhale a mbumba yache. Iye hadapichita tayu thangwi ya pyadidi pidachita ife. Nkhabe! Apichita thangwi ya udi di wache ukulu ukhanyerezera iye kalene na kalene kutipasa pa pezi na Yezu Khristu. —2 Timoti 1:9

ANTHU ONSENE SI ANA A MULUNGU

Mbwenye anachita pyakuipa
peno anakhonda kufuna mbale
wache, si wa Mulungu tayu. Ndi-
mo imwene munadzindikira imwe
ana a Mulungu na ana a dimoni.

—1 Juwau 3:10

Mbwenye anango antambira
mbankhulupira. Enewa apabswa
na iye mphambvu za kukhala ana
a Mulungu. —Juwau 1:12

Anthu onsene anatsogolerwa na
Nzimu wa Mulungu mba ana a
Mulungu. Lekani mphapo kugo-
pabve Mulungu tayu. Thangwi
Mulungu na kukupasani Nzimu
wache, hadapangiza nappyo tayu
kuti ndimwe mabichu ache; apan-
giza nappyo kuti ndimwe anache.

Thangwi ya kukhala chinchino na
Nzimu wache, tinalonga kuli Mu-
lungu: “Baba!” —Aroma 8:14, 15

Penepo munakhala akuchena na
akusowa pyakuipa, mbamupang-
iza kuti ndimwe ana adidiretu a
Mulungu pakati pa anthu apezi na
akuipa. Munayetima ninga nyen-
yezi na masiku. —Afilipi 2:15

Thangwi ya ipyo iye alongam-
bo: “Bulukani kwawo, pambukani
na iwo, lekani kukhuya pinthu
pyakukhondebswa tayu! Ine ndi-
nakhala baba wanu, imwembo
munakhala ananga amuna na aka-
zi. Ndipyo pidalonga Mbuya wa-
kukwanisa pyonsene.”

—2 Akorintu 6:17, 18

MULUNGU ASALONGA TANI PYAKUMWA

15

Nkhabe nensa kuona pinthu pinachita ale anatoweza pya mun-thu basi: kunyenga akazi, kuchita pyalukwali na pyaunyambi, kul-ambira alungu apezi na kuenda kuna nfiti, kukhala na malwa na nthonga na bibvu na ukali, kulon-ga bsweda, kugawanagawana na kusiyanasiyana, kupangiza ntsanje, kuledzera, kuchita maphwando a kumwa na pinthu pinango. Ndina-kupangani pontho pidakupang-ani ine kale kuti anachita pinthu pyenepi, hanagumana mbuto ku Dziko ipswa ya Mulungu tayu.

—Agalasi 5:19-21

Mbatifambeni na makhaliro adidi ninga anthu anafamba na

masikati pa kwecha. Lekani ku-mala tayu ntsiku zathu na kuchi-ta maphwando akudya na akum-wa, na kuchita pyaupombo na py-alukwali, na kuchita nthonga na bibvu. Mbwenye bvalani moyo upswa wa Mbuyathu Yezu Khri-stu, mbamukhonda tsalakanadi pya manungo anu, gopa munak-undwa nappyo. —Aroma 13:13, 14

“Thangwi iye asankhulwa na Mulungu, towera achite mabasa makulu. Lye hanamwa vinyu ta-yu, nee anamwa pyakumwa pin-ango pyakuledzeresa tayu. Kuto-mera kubalwa kwache Mulungu anandzalisa na Nzimu wache.”

—Luka 1:15

16 KUFUNISA MANINGA NKHABE KWANA TAYU

“‘Funa Mbuya Mulungu wako na ntima wako wonsene, na nzimu wako wonsene, na nzeru zako zonsene’. Awa ndiwo matongero makulu na akutoma kupita onsene.”

—Mateyu 22:37b, 38

Pikhafuna Yezu kuthimiza ulendo wache, penepo pene munthu anthamangira mbangodamira na mabvundziro awa: “Mpfundzisi wadidi, ndichitenji, towera nditambire moyo wakukhaliratu?” Yezu antawira: “Unalongeranji kuti ndine wadidi? Mulungu ngwadidi, iye ekha basi! Usadziwa matongero ache: leka kupha tayu, leka kuchita upombo tayu, leka kuba ta yu, leka kulonga

pyauthambi tayu, leka kupundza andzako tayu, lemedza babako na mako!” Munthu antawira: “Mpfundzisi, matongero awa onsene, ndaakoya kutomera uwana wanga.” Penepo Yezu amuyañgana na kufuna kwonsene mbati: “Chakusalira chinthu chi odzi basi: ndoko, ukagulise pyonsene pina iwe; pasa anyakucherenga kobiri! Tenepa unakhala na mpfuma kwa Mulungu kudzulu!” Na mafala awa munthu ule atutumubswa mbaenda na kutsukwalà, thangiwi akhakhala na pintu pizinji.

—Marki 10:17-22

Adagumanyikana na Mwana wa Mulungu ndiye ana moyo wakukhaliratu. —1 Juwau 5:12a

LEKANI NYENGEZWA TAYU

17

Lekani kukundwa tayu na malongero apezi. Onsene anachita pyakuipa pidalonga ine chinchino, anagwerwa na nyatwa za Mulungu.
—Aefesu 5:6

Lekani kunyengeka tayu! Munthu nkhabe kusenzeka na Mulungu! Pinabzwala munthu ndipyo pyene pinabvuna iye. —Agalasi 6:7

Ndimwe mwonsene munapundzana munthu munthu na mbale wache ene! Mbwenye kumbukani kuti anthu anachita pyakuipa, hanakhala n'Dziko ipswa ya Mulungu tayu. Lekani kudodomeka tayu! Ndinakupangani pontho kuti nkhabe kupita n'Dziko ipswa ya

Mulungu anthu onsene anachita pyalukwali, analambira adzimunthu a alungu apezi, anakakamira kobiri yawo, analedzera, anapambizira, na ale anapundza.

—1 Akorintu 6:9, 10

Lekani kunyengeka tayu na kubva fala yeneyi basi; makamaka chitani pinakupangani iyo.

—Yakobo 1:22

Anakuzika kupita ndzache nee matangwi, ananyengeka ekha.

—Agalasi 6:3

“Thangwi anthu azinji anachitika ninga ine mbalonga kuti ndiwo Khristu, mbahyengeza nappyo and zawo maningi.”
—Mateyu 24:5

KUDAWA KUSABWERESA KUFA

Madawo apita pantsi pano thangwi ya munthu mbodzi ene; madawo abwera pabodzi na kufa. Na tenepa anthu ensene aphatwa na mphambyu za kufa, thangwi onsene adwa.

—Aroma 5:12

Nyakutsandzaya ndi munthu anakhonda kungonja angayeserwa. Thangwi Mulungu anampasa nthimba yambiri, moyo waku-khonda mala udapikirira iye ale onsene ananfuna.

—Yakobo 1:12

Kutsalakana pya munthu wache wakale kunapasa kufa, mbwenye kutsalakana pya Nzimu wa Mulungu kunapasa moyo na ntendere. Munthu wathu wakale ndi nyamalwa wa Mulungu, hanabve-

ra mwambo wa Mulungu tayu, thangwi anachimwana kuubvera.

—Aroma 8:6, 7

“ Mbwenye pinafunika kuti tisekere mbatichita phwando yakudy, thangwi mbale wako uyu akhadafa, chinchino alamuka pontho. Akhadataika, mbwenye chinchino ndangumana pontho.”

—Luka 15:32

Thangwi muwoni unapabswa ife na madawo, nkhufa basi.

—Aroma 6:23a

Mwabwezeranji napyo? Munganyerezera mabasa anu akale, munakhala na manyadzo, thangwi muamalisira kupabswa kufa basi.

—Aroma 6:21

KHRISTU ADAGONJESA KUFA

19

Mbwenye na kumulamusa muli akufa, Mulungu ene adzindikira kuti ndi Mwanache adapasa iye mphambvu zache. —Aroma 1:4

Pidamala iye kulonga mafala awa, ahuwa na mphambvu: "Lazaru, buluka panja!" Penepo pene nyakufa abuluka mu nthumbi! Akhadapyangirirwa na mithambo ya nguwo m'miyendo mwache na m'manja mwache, mbabvala nguwo mu nsolo mwache. Yezu apanga anthu: "Nsudzuleni, towera aende ku nyumba."

—Juwau 11:43, 44

"Baba asandifuna, thangwi ndiri dzololo, towera kupreka moyo wanga mbandiupabswa pontho.

Nee munthu mbodzi anandipokosa moyo wanga. Ndinaupasa na kufuna kwanga kwene. Ndina mphambvu za kuupasa, ndinambo mphambvu za kuukwata pontho. Ndipyo pidandipanga Baba."

—Juwau 10:17, 18

Anthusu akhaikwata aimira. Yezu ati: "Mphalewe, ndinakupanga: lamuka!" Penepo pene nyakufa alamuka mbatoma kulonga.

—Luka 7:14, 15a

"Ine ndine nyamoyo. Ndikhali wakufa, mbwenye chinchino ndinakhala maso ntsiku zonsene zakukhaliratu. Ndina mphambu za kutonga kufa na dziko yache."

—Chidziwiso 1:18

MATONGERO A MULUNGU

“Ndinakupasani chinchino matongero mapswa, matongero a kufunana: funanani sawasawa ningga ine ndakufunani!”

—Juwau 13:34

“Mpfundzisi, matongero makulu ene a mwambo mbapi?” Yezu antawira: “‘Funa Mbuya Mulungu wako na ntima wako wonsene, na nzimu wako wonsene, na nzeru zako zonsene’. Awa ndiwo matongero makulu na akutoma kupita onsene. Matongero achiwiri ndi sawasawa ninga akutoma: ‘Funa andzako ninga munafunikira iwene’. Pyonsene pinapfundzisa

mwambo wa Mozese na aprofeta, pyachepebswa m’matongero awa mawiri!”

—Mateyu 22:36-40

Yezu antawira: “Matongero makulu kakamwe mbawa: . . . Mbuya, Mulungu wathu, ndi Mbuya mbodzi ekha. Mphapo, funa Mbuya Mulungu wako na ntima wako wonsene, na nzimu wako wonsene, na nzeru zako zonsene, na mp-hambvu zako zonsene! Matongero achiwiri mbawa: ‘Funa andzako ninga munafunikira iwene!’ Nkhabe matongero makulu anango kupita mawiri awa.”

—Marki 12:29-31

KHAKE KUBISALA KUTI MULUNGU AKHONDE KUKUONA

21

Sawasawa pyonsene pidabisala chinchino, pinaoneka; pidakhonda anthu kudziwa, pinadziwibswa pa kwecha.

—Luka 8:17

“Mulungu ule analambira imwe nee kundziwa, ine ndinandziwisa chinchino pano kuli imwe! Mulungu adachita pinthu pyonsene na pyamoyo pyonsene, ndi Mbuya wa kudzulu na wa pantsi. Hanakhala m'matemplo tayu adammangira anthu. Hanasowambo pinthu tayu pinanchitira anthu, thangwi ndiyene anaapasa moyo na pyonsene pyakuakhalisa na moyo. Pidachita iye munthu wakutoma, achita naye anthu onsene an-

akhala chinchino pantsi pano. Ndiyembo adatonga kalene kuti anthu anakhala lini na kupi pantsi pano. Asafuna kuti anthu ansake mbayesera kungumana. Ndimo mwenne, Mulungu ali duzi na ife tonsene; thangwi mwa iye tina moyo, tinachita pyathu mbatikhalikira. Ndipyo pyene pidalon-gambo anyanyimbo anu anango tenepa: ‘Tabalwa na Mulungu’ ”.

—Machitiro 17:24-28

Nkhabe chinthu chidabisala kuli Mulungu! Pyonsene pyaoneka pa kwecha pa maso pache. Ndiye anatongwa ife kutawirira pyathu.

—Aheberi 4:13

KUTONGWA KWA KUKHALIRATU CHA NYAKUKHONDA KUPEMBEZA

Mbwenye pantsi pano pachinchino panakhala mpaka ntsiku idasankhulwa na Mulungu. Panafudziwa na moto ntsiku iyo inaonebswa nyatwa mbafudziwa anthu onsene adakhonda kubvera Mulungu.

—2 Pedru 3:7

Nyatwa zinatongwa iwo kuona, ndi nyatwa za kupambulwa kuenda na kuenda pana Mbuya na pamphambvu zache zambiri.

—2 Atesalonika 1:9

Dzanja yako peno mwendo wako ungakuipisa, upigwande, mbupitaya kunja. Mphyadidi kuli iwe kukhala kwa Mulungu na dzanja ibodzi peno na mwendo ubodzi ku-

pita kuponywa m'moto wakukhonda thima na manja mawiri peno na miyendo miwiri.

—Mateyu 18:8

Mwanamunthu anatumua aanjuache; enewa anabulusa pana Mulungu anthu onsene adadawisa andzawo, mbadawa okha ene. Aanju anaaponya mu ubvuni wa moto; mwenemo iwo analira mba-kukuta mano.

—Mateyu 13:41, 42

Na tenepa awa anenda ku nyatwa za kuenda na kuenda, mbwenye ale adachita pinafuna Mulungu, anenda ku moyo wakukhaliratu.”

—Mateyu 25:46

"Thangwi ntsiku ibodzi inadziwa iye aekha, anaitonga na uling-aniri miseru ya anthu onsene; anaitonga na munthu adasankhula iyene. Ndimo nwenedi, thangwi amulamusa muli akufa, towera apangize anthu onsene kuti alonga pyamaso." —Machitiro 17:31

Ipi pyonsene pinapangiza kuti Mulungu anapuluma tani axamwali ache. Mbwenye onsene anachita pyakuipa, anaonebswa nyatwa ntsiku inatonga Mulungu miseru yawo. —2 Pedru 2:9

Thangwi ife tonsene tinatongwa kuoneka pa maso pa Khristu angatonga iye miseru ya anthu. Ntsiku iyo onsene anapabswa

munthu munthu pyache thangwi ya pyadidi, peno thangwi ya pyakuipa pidachita iye pantsi pano.

—2 Akorintu 5:10

Anthus onsene anafa munthu munthu kabodzi kene mbaoneka pa maso pa Mulungu anatonga miseru yache. —Aheberi 9:27

Ndaona anyakufa onsene, akulu na añgonon, mbaimira patsogolo pa mpando. Penepo pafungulwa mabukhu analembwa mabasa onsene. Yafungulwambo bukuh inango, bukuh ya moyo, mbitongwa miseru ya anyakufa. Onsene abwezerwa munthu munthu pidachita iye ninga mudalemberwa ipyo m'mabukhu. —Chidziwiso 20:12a

Musadziwa pidakuchitani Mbuyathu Yezu Khristu. Iye akhali wakupfuma; mbwenye achitika wakucherenga, towera akupfumi-seni na kucherenga kwache.

—2 Akorintu 8:9

Mbatichiteni Mulungu takhuta thangwi ya muwoni wache waku-khonda longeka na mafala.

—2 Akorintu 9:15

Mbwenye padabvirira madawo, penepo painjipiratu udidi wa Mulungu. Mphambvu za madawo za-pangizika na kufa. Mbwenye mphambvu za udidi wa Mulungu zapangizika na moyo wakukhon-da mala. Moyo wenewu, taupab-swa na Mulungu adatilekera ma-

dawo athu thangwi ya Mbuyathu Yezu Khristu. —Aroma 5:20b, 21

Na mphambvu zikulu za kukun-da anthu na mafala awo apostolo akhabvekesa kuti Yezu alamuka muli akufa. Mulungu akhaapasa onsene nkhombo na nkhombo.

—Machitiro 4:33

Thangvi pidatipasa Mulungu pa pezi na ule unango, mphyaku-siyana na madawo a Adamu. Pisafunika kuti anthu onsene afe thangwi ya munthu mbodzi ene adakhonda kubvera Mulungu. Mbwe-nye thangwi ya munthu mbodzi ene, Yezu Khristu, Mulungu ati-pasa muwoni wa nkhombo zache zakupfumiratu. —Aroma 5:15

KUBWEKA

“Mulungu hananyerezerabve tayu pyaka pire pizinji pyonsene pikhakhonda anthu kundziwa; mbwenye chinchino anachemera anthu onsene a kwonsene kwene, towera asanduze makhaliro awo.”

—Machitiro 17:30

Nkhabe! Ndinakupangani kuti mungakhonda kusanduza makhaliro anu, imwe mwonsene muntaika sawasawa ninga iwo.

—Luka 13:3

“Sawasawa, alonga Yezu, kudzulu kwa Mulungu kusekera thangwi ya nyakudawa mbodzi ene anasanduza makhaliro ache, kunapita kusekera thangwi ya anthu makumapfemba na apfemba adidi

anasowa matangwi a kusanduza makhaliro awo.” —Luka 15:7

Pedru aatawira: “Sanduzani makhaliro anu, tambirani batismu! Penepo Mulungu anakulekerani madawo anu mbakupasani Nzimu wache. Sanduzani mphapo makhaliro anu, zungunukani kuna Mulungu, towera afudze madawo anu.” —Machitiro 2:38; 3:19

Thangwi kutsukwala kunapirira munthu ninga munafunira Mulungu, kunasanduza makhaliro ache, kunampulumusa mbakuhonda kunchinyusa napyo. Mbwenye kutsukwala kunabva munthu na kusiribzwa napyo, kunampasa kufa.

—2 Akorintu 7:10

KULEKERELWA KWA MADAو

Yezu na kuona kukhulupira kwawo alonga kuli nyanfutete: "Iwe, madawiro ako alekerwa."

—Marki 2:5

"Dziwani pyadidi kuti thangwi ya Yezu munapabswa kulekerwa kwa madawo. Mbamuikha pa nkonomono wache, towera akhale mpulumusi na ntsogoleri. Tenepa Mulungu apasa Aisrayeli onsenet dzidzi wadidi wa kusanduza makhaliro awo na wa kupabswa kulekerwa kwa madawo awo."

—Machitiro 13:38b; 5:31

"Bvani! Ndiri pa nsuwo mbandidimizira. Munthu angabvera fa-

la yanga mbandifungulira, ine ndinapita n'nyumba mwache, ndinadya na iye, iye anadya na ine."

—Chidziwiso 3:20

"Mungalekera andzanu pyakupa pidakuchitani iwo, Baba wanu wakudzulu anakulekeranimbo madawo anu." —Mateyu 6:14

"Kubulukira Yerusalemu anthu a mbumba zonsene afokotobzwe na dzina yache kuti madawiro awo analekerwa angasanduza makhaliro awo." —Luka 24:47

Penepo Yezu ampanga: "Inembo sinakuonesa nyatwa tayu. Mbwenye kutsogolo leka kupichitabve!" —Juwau 8:11b

KUPAMBUKA KUNA PYADZIKO

27

Thangwi Mulungu apangiza udidi wache, towera kupulumusa anthu. Tinakakamibzwa mphapo kusiya makhaliro akuipa na kukhonda sirita pya pantsi pano, towera tikhale penepo anzeru na akulungama mbatisimba Mulungu.

—Titu 2:11, 12

Tsalakanani moyo wa kwa Mulungu. Lekani kutsalakana tayu pinthu pya pantsi pano.

—Akolose 3:2

Makamaka pangizani pa kwecha kuti iwo achita pyakuipa.

—Aefesu 5:11

Lekani kufuna tayu pantsi pano na pyonsene pinakupasani ipo. Anafuna pantsi pano, hanafuna

Baba tayu. Thangwi mphyanji pinachitwa pantsi pano? Anthu a penepo asasaka pinakhutisa manungo basi, asasirira pinakomera maso, asagaya na kuona mphambvu zawo na pinthu pyawo. Pyonsenepi si pya Baba tayu, mphya pantsi pano.

—1 Juwau 2:15, 16

Ndimwe ninga akazi aupombo anafuna anyamalwa a amunawo. Kodimwe, munadziwa tayu kuti anafuna pya pantsi pano, ndi nyamalwa wa Mulungu? Ndimo mweene, onsene anafuna kuphatana uxamwali na pya pantsi pano, anachitika anyamalwa a Mulungu.

—Yakobo 4:4

KUBALWA PABSWA

Musadziwa kuti Khristu hadachita pyakuipa tayu; thangwi ya ipyo munadziwambo kuti munthu munthu anachita pyadidi ndi mwana wa Mulungu. Tisadziwa kuti mwana wa Mulungu hanachita pyakupa tayu. Mulungu amuonera, towera Satani akhonde kumuipisa. —1 Juwau 2:29; 5:18

Adagumanyikana na Khristu ndi munthu mupswa. Pikhakhala iye kale pyamala. Chinchino chatoma chinthu chipswa.

—2 Akorintu 5:17

Yezu antawira: "Ndimo mwene, ndinakupanga kuti munthu mba-dzati kubalwa poncho, anachim-wana kuona Dziko Ipswa ya Mu-lungu." —Juwau 3:3

Kalene anthu azinji a pa nsoka wanu akhachita pyonsenepi. Mbwenye chinchino ndimwe mbumba yadidiretu ya Mulungu; chinchino mwakoma kuli iye thangwi ya kugumanyikana kwanu na Mbuyathu Yezu Khristu na thangwi ya Nzimu wa Mulungu wathu udapabswa imwe. —1 Akorintu 6:11b

Thangwi ya fala yamaso na yakukhaliratu ya Mulungu mwabalwa kachiwiri mbamukhala ana a baba mbodzi ekha na wakukhonda kufa

—1 Pedru 1:23

Mbwenye ine ndabwera, towera mabira anga akhale na moyo, ande, moyo uzinji ene!

—Juwau 10:10b

KUFA KUNA KUDAWA — KULAMUKA MUNA KHRISTU

29

Kalene mukhali akufa thangwi ya kukhonda kwanu kumbvera Mulungu na thangwi ya madawo anu. Thangwi ya kugumanyikana kwathu na Yezu Khristu atilamsa ife pabodzi na iye, mbatikhali-sa ku Dziko kwache ya kudzulu.

—Aefesu 2:1 na 6

Mwalamubswa pabodzi na Khristu na moyo upswa. Sakani mphapo pya kudzulu kunakhala Khristu! Kweneko Mulungu am-pasa mbuto yambiri pa nkonoko-no wache. Tsalakanani moyo wa kwa Mulungu. Lekani kutsalaka-na tayu pinthu pya pantsi pano. Chinchino mwafa. Moyo wanu wa-

mu wabisala pabodzi na Khristu mwa Mulungu. —Akolose 3:1-3

Thangwi ale a Khristu akhō-mera mbayo yawo pa ntanda pab-
dozi na pinthu pyakuipa pyonsene
pinasirira iwo. Nzimu wa Mulun-
gu watipasa moyo upswa. Pina-
funika mphapo kuti titeweze Nzi-
mu wenewu m'pyonsene.

—Agalasi 5:24, 25

Sawasawa imwembo: m'pya
madawo mwafa; mbwenye thang-
wi ya kugumanyikana kwanu na
Khristu munakhalira maso Mul-
ungu basi. —Aroma 6:11

MOYO AKUKHALIRATU

Angakhulupira mphambvu zache basi, anabvuna pya kufa. Angatsogolerwa na Nzimu wa Mulungu, anabvuna moyo wakukhaliratu.

—Agalasi 6:8

“Ninga nyoka yasafuli yaikhwa na Mozese pa muti mu thando, tenepambo pinafunika kuti Mwanamunthu aikhwe n’dzulu, towera aapase moyo wakukhaliratu ale onsenene anankhulupira.”

—Juwau 3:14, 15

“Ndiwo moyo wakukhaliratu kuti anthu akudziweni imwe, Mulungu mbodzi kakamwe, mbadziwambo Yezu Khristu adatumwa na imwe.”

—Juwau 17:3

“Anakhulupira Mwana, ana moyo wakukhaliratu. Mbwenye anakhonda kubva Mwana, hanona moyo wenewu tayu: makamaka anaona ukali wa Mulungu kuenda na kuenda.”

—Juwau 3:36

Mbwenye muwoni unatipasa Mulungu pa pezi na Mbuyathu Yezu Khristu, ndi moyo wakukhalala na kukhala.

—Aroma 6:23b

“Ndimo mwene, ndinakupangani kuti onsenene anabva mafala anga mbakhulupira ule adandituma, anakhala maso kuenda na kuenda; hanatongwabve pa milando tayu, thangwi amala kubuluka muli akufa mbafika kale ku moyo wakukhonda mala.”

—Juwau 5:24

KUSIMBISA CHA CHIPULUMUSO

Mulungu na kupangiza kuti ndimwedi anache, atuma Nzimu wa Mwanache m'mitima mwanu. Ndiwo unakhuwa mwa ife, Baba!

—Agalasi 4:6

Nzimu wenewu wa Mulungu wagumanyikana na nzimu wathu mbulonga pabodzi na iwo kuti ndifedi ana a Mulungu.

—Aroma 8:16

Umboni wache Mulungu nguwu: Mulungu atipasa moyo wakukhaliratu; moyo wenewu, taupabswa thangwi ya kugumanyikana kwathu na Mwanache. Adagumanyikana na Mwana wa Mulungu

ndiye ana moyo wakukhaliratu. Mbwenye anakhonda kugumanyikana na Mwana, hana moyo wakukhaliratu tayu. Ndakulembera ni ipi, towera imwe munakhulupira Mwana wa Mulungu, mudziwe kuti muna moyo wakukhaliratu.

—1 Juwau 5:11-13

Mulungu atipasa Nzimu wache. Thangwi ya ipyo tinadziwadi kuti ife tagumanyibzwa na iye, iyembo agumanyibzwa na ife.

—1 Juwau 4:13

Tingabvera Mulungu, tinapan-giza nappyo kuti tisandziwa.

—1 Juwau 2:3

KHRISTU WAKUKHALA M'BWALO ASAPASA KUNSADZAYA

“Chinchino ndiri kudza kuna imwe. Ndiri kulonga ipi pyonsene mbandichiri pantsi pano, towera mitima yawo idzale na kusekera kubodzi kwene kuna ine.”

—Juwau 17:13

Mbwenye ndingakuonani pon-tho, ntima wanu unadzala na ku-sekera. Nee munthu mbodzi ana-kwanisa kukupokosani kusekera kweneko!

—Juwau 16:22b

Thangwi Umambo wache Mu-lungu unasasanya iye pakati pa-ifé, si pyakudya na pyakumwa-tayu, mbwenye ndi kuchita pina-funa Mulungu; ndi kukhala na

ntendere na Mulungu; ndi kukhal-ambo na kusekera kule kunapab-swa na Nzimu wache.

—Aroma 14:17

Thangwi ya ipyo ine sinakhala-bve; anakhala mwa ine, ndi Khri-stu ene. Mbandikhala pantsi pa-no, ndinakhalapo thangwi ya kun-khulupira kwanga Mwana wa Mu-lungu adandipangiza kundifuna kwache mbandipasa moyo wache. Sinapwaza nkhombo za Mulungu tayu!

—Agalasi 2:20

Musafuna Yezu Khristu mba-mudzati kumuona. Musankhulu-pira nee kumuona chinchino.

—1 Pedru 1:8

KUMVERA MBUYA KUSAFUNIKA

33

Nkhabe! Musadziwa kuti mun-gangonja, towera mukhale mabi-chu, munatongwambo kubveradi mbuya anatumikira imwe: peno madawo, peno Mulungu. Munga-tumikira madawo, munafa; mung-abvera Mulungu, munakoma kuli-
iye.

—Aroma 6:16

Thangwi anatambirwa na Mu-lungu, si ale tayu anadziwa mwambo, mbwenye ale basi ana-linganiza nawo makhaliro awo.

—Aroma 2:13

Mbwenye imwe munaona nyat-wa chinchino, Mulungu anakupu-lumusani pabodzi na ife mu nya-twa zonsene. Ipi pinachitwa,

Mbuya Yezu angatchitha kudzulu pabodzi na aanju ache amphamb-vu mbaonekera anthu onsene. Anabwera na malirim a moto dzaaonesa nyatwa ale onsene ana-khonda lemedza Mulungu mba-khonda kubvera Mphangwa Zadi-di za Yezu. Nyatwa zinatongwa iwo kuona, ndi nyatwa za kupam-bulwa kuenda na kuenda pana Mbuya na pa mphambvu zache zambiri.

—2 Atesalonika 1:7-9

“Anyakutsandzaya mbale on-sene anafula nguwo zawo. Ana-khala na ufulu wa kudya nsapo wa muti wamoyo na wa kupita na pa misuwo mu nzinda.”

—Chidziwiso 22:14

KUTAWIRA KHRISTU KUSAFU NIKA

Onsene mbabvekese kuti Yezu Khristu ndi Mbuya, towera Mulungu apabswe mbiri. —Afilipi 2:11

“Anabvekesa pa maso pa anthu kuti ndiye nyakupfundza wanga, inembo ndinabvekesa pa maso pa Baba wanga wa kudzulu kuti ndi nyakupfundza wanga. Mbwenye analonga kuli anthu kuti hanan-didziwa tayu, inembo ndinalonga kuli Baba wanga wa kudzulu kuti sinandziwa tayu!”

—Mateyu 10:32, 33

Mungalonga na mulomo pa kwecha kuti Yezu ndi Mbuya, mungakhulupirambo na ntima wanu kuti Mulungu aimulamusa muli akufa, munapulumubswa. Ana-

khulupira na ntima wache, ana-tambirwa na Mulungu; anapilonga pa kwecha na mulomo wache, anapulumubswa. —Aroma 10:9, 10

Anadzindikira kuti Yezu ndi Mwana wa Mulungu, ana Mulungu mwa iye mbakhala iyembo mwa Mulungu. —1 Juwau 4:15

Anakhonda Mwana ndiyembo anakhonda kukhala wakuguman-yibzwa na Baba Mbwenye anab-vera Mwana ndiyembo adagumanyikana na Baba. —1 Juwau 2:23

“Anandikhonda ine na Mphangwa zanga, Mwanamunthu anankondambo angabwera na mbiri yache, na mbirimbo ya Babache na ya aanju adidi.” —Luka 9:26

SATANI — NDI NYAMABLWA WATHU NKULU

35

Nyamalwa wanu dimoni ali kuzungulirazungulira nkumbi ninga nkhalamu yanjala inabangula mbisaka chakudya. Angakugwerani, wangisani na kukhulupira Mulungu.

—1 Pedru 5:8, 9a

Pa kumalisa, wangani thangwi ya kugumanyikana kwanu na Mbuya! Wangisikani na mphambvu zache. Bvalani pyankhondo pinakupasani Mulungu; penepo manyengerero onsene a dimoni nkhabe kukuipisani.

—Aefesu 6:10, 11

Buluka penepo Nzimu wa Mulungu waendesa Yezu ku thando, towera ayeserwe na dimoni. Pene-

po Yezu antawira: "Choka, satani! Thangwi pyalembwa: 'Gwera pantsi Mbuya Mulungu wako mbamulambira iye ekha ene basi!'" Penepo dimoni ansiya, mabbwera aanju dzantumikira.

—Mateyu 4:1 na 10, 11

Pingamala ipyo kuchitwa, Nyamalwa wa Mulungu anapangizika. Mbwenyę Mbuya Yezu anamupha na maya wa n'kanwa mwache; ananfudza na kuonekera kwache kwene. Nyamalwa wa Mulungu anabwera na mphambvu za Satani, anachita mabasa akudzumisa, mbanyengeza anthu na pidzindikiro pyapezi na pirengo pyapezi.

—2 Atesalonika 2:8, 9

KUGONJESWA KWA SATANI

Ana enewa ndi anthu ana manungo a nyama na a chiropa. Thangwi ya ipyo Yezu achitika muntu ninga iwo, towera na kufa kwache afudze dimoni ana mphambvu za kupha.

—Aheberi 2:14

Anakhonda kusiya pyakuipa, ngwa dimoni, thangwi dimoni achita pyakuipa kutomera kale na kale. Mbwenye Mwana wa Mulungu abwera pantsi pano, towera kufudza pidachita dimoni.

—1 Juwau 3:8

“Unaafungula maso, towera abuluke n’chidima mbadza ku ch-eza, towerambo abuluke m’mphambvu za Satani mbadza kuna Mulungu. Thangwi angandikhu-

lupira ine, analekerwa madawo awo mbatambirwambo pakati pa anthu adasankhulwa na Mulungu.”

—Machitiro 26:18

Mbani mphapo anatisiyanisa na Khristu na kutifuna kwache? Peno kuona nyatwa na kutsukwala? Peno kutchingwa, na kubva njala, na kucherenga? Peno pyakugopswa na pyakufa? Mbwenye pyonsenepi, tinapikunda na uphedzi wa ule adatipangiza kutifuna kwache.

—Aroma 8:35 na 37

Thangwi ya ipyo mungonjere Mulungu. Muumire Satani, iye anakuthawani. Mufendezere Mulungu, Mulungu anakufendezera-ni.

—Yakobo 4:7, 8a

KUFUNA KUSAONESA UNKHRISTAU WENE — WENE

37

Ndingalonga malongero onsene a anthu na a aanju ene, mbwenye mbandidakhonda funa Mulungu na andzanga, ndinakhala ninga ñgoma yakulira, peno ninga chingalingali chakulira basi.

—1 Akorintu 13:1

Mbwenye misapo inabalwa na Nzimu wa Mulungu ndiyo: kufuna andzako, kusekera, ntendere, kuperira, kukoma ntima, udidi, kuhulupirika, kupfulika na kudzitonga. Anakhala na pinthu pyenepi, hanapokanyana na pya mwambotayu!

—Agalasi 5:22, 23

Analonga kuti asafuna Mulungu mbatchinga mbale wache, ndi

nyauthambi. Thangwi angakhonda kufuna mbale wache anaona iye, anakwanisa tani kufuna Mulungu anakhonda iye kuona?

—1 Juwau 4:20

“Mungafunana, anthu onsene anadzindikira kuti ndimwe anyak-upfundza anga.”

—Juwau 13:35

Tisadziwa kuti tasiya kufa mbatipita m'moyo upswa. Tisapidziwa, thangwi tisafuna abale athu.

—1 Juwau 3:14

Kunfunu Mulungu kunapangizika tingachita pinafuna iye; kuchita ipi kunanensa tayu.

—1 Juwau 5:3

Ife ndife amboni a pyonsene pidachita iye ku dziko ya Ayuda na ku Yerusalem. Ayuda ankhomera pa ntanda, mbwenye n'ku-cha mwache Mulungu amulamusa muli akufa mbampasa mphambvu za kupangizika maso ene. Iye hadaonekera kuli anthu onsene tayu; aonekera kuli ife basi, thangwi Mulungu akhadatisankhula kale, towera tikhale amboni ache. Pidamala iye Kulamuka muli akufa, tadya mbatimwa na iye.

—Machitiro 10:39-41

Pidamala sumana ibodzi, anyakupfundza akhadasonkhana pon-tho nkati mwa nyumba; Tomasi akhalimbo pabodzi nawo. Misuwo

ikhadafungwa na mipiringanyo. Mbwenye kabodzi na kabodzi Ye-zu aoneka mbaimira pakati pawo, mbati: "Ntendere ukhale na im-we." Penepo azungunukira Tomasi na mafala awa: "Yañgana man-ja anga, akhuye na chala chako! Bwera na dzanja yako, iikhe n'chi-ronda cha khundu yanga! Leka kudenula pon-tho tayu, mbwenye tawira kuti ndine panó!" Tomasi alonga: "Mbuya wanga na Mulungu wanga!" —Juwau 20:26-28

Pikhafunika kuti Yezu afe, tow-era kufudza madawo athu. Mbwenye Mulungu amulamusa pon-tho, towera ife tikome kuli iye.

—Aroma 4:25

KULAMUKAPOTHO MULI AKUFA, CHIBALANGAZO 39 CHATHU CHADIDI

Lekani kudzuma nappyo tayu! Thangwi iri kudza ntsiku inabva anyakufa onsene fala yache mu nthumbi mwawo, mbabuluka mu ntumbi mwawo. Penepo ale adachita pyadidi, analamuka, towera aone moyo. Mbwenye adachita pyakuipa, analamuka, towera aone anyatwa.” —Juwau 5:28, 29

Kodimwe, munadziwa tayu kuti na batismu ife tonsene tagumanyikana na Khristu? Mbwenye na kugumanyikana na iye, tagumanyibzwambo na kufa kwache! Pidabatizarwi ife, tafa mbatiikhwa pabodzi na Khristu. Mbwenye sawa-

sawa ninga mudalamusirwa Khristu muli akufa na mphambvu zakudzumisa za Mulungu Baba, tenepambo ife tapabswa poncho moyo upswa.

—Aroma 6:3-4

Khristu angaphata basa mwa imwe, manungo anu anafa thangwi ya madawo anu; mbwenye Nzimu unakupasani moyo, thangwi Mulungu akutambirani. Ungakhala mphapo mwa imwe Nzimu wa Mulungu adalamusa Yezu muli akufa, Mulungu na mphambvu za Nzimu wache unakhala mwa imwe, anaapasambo manungo anu akufa moyo upswa.

—Aroma 8:10, 11

KUCHENA — NTIMA MUNA MBUYA

Axamwali anga akufunika, pyonsenepi pidapikira Mulungu, mphyathu. Tichenesekē mphapo m'pyonsene pidapsipisa manungo athu na nzimu wathu, mbatigopera Mulungu na kukhala anthu ache adidiretu. — 2 Akorintu 7:1

Abale, tinamwe mafala anango pañgono! Mwapfundzibswa na ife kuti munakhala tani, towera mukome kuli Mulungu. Ndimo mwe-ne, makhaliro anu mbadidi. Mbwenye na ipyo tinakudembeterani maningi na dzina ya Mbuya Yezu Khristu kuti muthimize kukomesa makhaliro anu. Musadziwa pidakupangani ife na mphambvu za Mbuya Yezu. Mulungu anafuna

kuti mupasike kuna iye na moyo wanu wonsene. Khalani mphapo kutali na pyalukwali pyonsene. Imwe, amuna dziwani kukhala munthu munthu na nkazache ningga munakomera ipyo kuli Mulungu na kuli anthu. Mulungu hadatichemera tayu, towera tisake pyaunyambi. Atichemera, towera timpase mbiri na makhaliro athu adidi. — 1 Atesalonika 4:1-4 na 7.

Makamaka pangizani na makhaliro anu onsene kuti ndimwe adidiretu; thangwi Mulungu adakuchemerani, ngwadidiretu. Iye alonga: "Khalani adidiretu, thangwi ine ndine wadidiretu."

—1 Pedru 1:15, 16

KUCHENA — NTIMA MUNA MBUYA

41

Ande, Mulungu mbadzati kuchita pinthu pyonsene, atisankhula kale mwa Khristu, towera tikhale pa maso pache mbumba yache yadidiretu na yakusowa pyakuipa. Bvalani munthu mupswa adachita Mulungu mbalandana na iye. Penepo munakhaladi akulungama na adidiretu ninga munafunira iye. —Aefesu 1:4; 4:24

Mbwenye tingabweka madawo athu, tinakhulupira kuti Mulungu anachita pidapikira iye: anatilekera madawo athu mbatichenesa m'pyakuipa pyonsene. —1 Juwau 1:9

Pyonsenepi pingamala tenepa, pinafunika kuti mukhale anthu anadziwa pinafuna iwo kuchita:

tumikirani Mulungu na makhaliro adidi kakamwe. —2 Pedru 3:11

Sakani kupfulika na anthu onse; yeserani kukhala adidiretu. Anakhonda kukhala adidiretu, hanaona Mulunga tayu.

—Aheberi 12:14

Sawasawa Yesu afa kunja kwa nzinda, towera na chiropo chache aichenese mbumba m'madawo ache.

—Aheberi 13:12

“Thangwi abvunulira mbumba yache mbaipulumusa. Anatipulumusa m'manja mwa anyamalwa athu, towera tintumikire nee kugopa ntsiku zathu zonsene, mbatikhala anthu ache anachita pinakoma kuli iye.” —Luka 1:68b na 74, 75

MUNTHU WAKUDZAZWA NA NZIMU

“Thangwi na kuipa kwanu kwonsene musadziwa kupasa ana-nu pinthu pyadidi. Makamaka Baba wa kudzulu anaapasa Nzimu wache ale anamphemba!”

—Luka 11:13

Mudamalisa iwo maphebbero awo, penepo pene yatekenyeka nyumba ikhadasonkhana iwo; on-sene adzalibswa na Nzimu wa Mulungu mbatoma kubvekesa Mphangwa zache na chipapo chonsene.

—Machitiro 4:31

Mbwenye imwe munachitabve pinafuna imwe basi tayu; makamaka munachita pinakupangani Nzimu, thangwi Nzimu wa Mulungu usakhala na imwe. Anaso-

wa Nzimu unapabswa na Khristu, si wa Khristu tayu. —Aroma 8:9

“Mbwenye imwe munadzalibswa na Nzimu wa Mulungu una-kupasani mphambvu za kukhala amboni anga kwonsene kwene.”

—Machitiro 1:8a

Thangwi Barinaba akhali mun-thu wadidi ene, wakudzala na Nzimu wa Mulungu na wakutawiradi.

—Machitiro 11:24a

Akristu a ku Antyokiya akha-dadzala na kusekera na Nzimu wa Mulungu. —Machitiro 13:52

Lekani kumwa pizinji tayu; anamwa vinyu maningi, anafud-zika ekha basi. —Aefesu 5:18

MAPANGANO AKUDZUDZUMI SA KUNA ANKHRISTAU

“Mungakwanisa?”, abvundza Yezu. “Pyonsene mphyakukwansika na munthu wakukhulupira!”

—Marki 9:23

“Lekani kuduwala tayu kuti ine ndinakhala na imwe ntsiku zonse ne mpaka kumala kwa pantsi pan no!”

—Mateyu 28:20b

“Anapukuta misozi yonsene m'maso mwawo. Kufa kunaoneka pontho tayu, nee kutsukwala, nee kubulira, nee kupha. Pikhakhala kale pyamala.”

—Chidziwiso 21:4

Axamwali anga, lekani kudzu ma tayu na nyatwa zakuumma zina yeserwa na imwe, ninga pinakug werani ndi chinthu chakudzudzu-

ma. Makamaka sekerani, thangwi tenepa munapangizika andzache Khristu adaona nyatwa zikulu. Tenepambo munasekera pikulu pyene, angabwera iye mu mbiri mwache.

—1 Pedru 4:12, 13

“Tomani makamaka kutsalaka na pya Umambo wa Mulungu na pinafuna iye. Mungachita tenepa, pinango, pyonsene, munapipab swambo!”

—Mateyu 6:33

Pirirani mphapo mbama zinak upasani Mulungu. Ipi pinapangi za kuti ndimwe anache. Nkhabe baba anakhonda kulera anache nee kumuonesa nyatwa.

—Aheberi 12:7

MAPANGANO KUNA ANYAKUYE SELWA

Thangwi ya nyatwa zidaona iye, anakwanisa chinchino kuphedza anthu anayeserwa ninga iye.

—Aheberi 2:18

Penepo Mulungu wa ntendere anakupasani, nsangasanga kuti mukunde Satani mbamumponda na manyalo anu. —Aroma 16:20a

Manyengerero onsene adaona ife mpaka chinchino, ndi sawawa ninga munaonera anthu anango onsene. Mbwenye Mulungu anachita pidapikira iye, mbakhonda tawirisa kuti munyengererwe kupita mphambvu zanu. Angakuyeserani, anakupasanimbo mphambvu za kupikunda.

—1 Akorintu 10:13

Nyakutsandzaya ndi munthu anakhonda kungonja angayeserwa. Thangwi Mulungu anampasa nthimba yambiri, moyo wakukhonda mala udapikirira iye ale onsene ananfuna.

—Yakobo 1:12

Tisadziwa kuti munthu angafuna Mulungu, anaphebzwa m'pyonsene, towera amalise basa idanchemerera Mulungu ninga mudatongera iye kalene. —Aroma 8:28

Iye siye munthu tayu anakhonda kutitsalakana ife, anthu akusowa mphambvu. Nkhabe! Nyantsembe wathu wankulu kakamwe ayeserwa m'pyonsene sawasawa ninga ife, mbwenye iye hadadawa tayu.

—Aheberi 4:15

MAPANGANO KUNA ANYAKUGONJESA

45

“Onsene anakunda pa nkhondo, anapabswa muwoni wenewu; ine ndinakhala Mulungu wawo, iwo anakhala ana anga.”

—Chidziwiso 21:7

“Onsene anakunda, ndinaachita matchikwa a n’templo ya Mulungu wanga munakhala iwo kuenda na kuenda. Ndinaalembra na dzina ya Mulungu wanga. Nzinda wenewo ndi Yerusalemu upswa unabuluka kwa Mulungu kudzulu mbutchitha pantsi. Ndinaalemberambo na dzina yanga ipswa.”

—Chidziwiso 3:12

“Onsene anakunda, anabvala nguwo zakuchena. Ine sinafudza

madzina awo m’bukhu yamoyo tayu. Mbwenye pa maso pa Baba wanga na pa aanjuache a kudzulu ndinabvekesa pa kwecha kuti ndiwo anga.”

—Chidziwiso 3:5

“Onsene anakunda, ndinaapasa mphambvu za kukhala pabodzi na ine pa mpando wanga sawasawa ninga ine ndakunda mbandikhala na Baba wanga pa mpando wa-che.”

—Chidziwiso 3:21

“Ana makutu, mbabvere pinalonga Nzimu kuli misoka ya akristu! Onsene anakunda, ndinaapasa mphambu za kudya pya muti wamoyo unakhala n’tapada ya Mulungu.”

—Chidziwiso 2:7

46 MULUNGU ASALONGA NA IFE PYAKULEKA NA

“Mamuna angamwalana na nkazache mbapitisa unango n’nyumba mwache, anachita upombo. Sawasawa mamuna angachita banja na nkazi adamwalana na mamunache, anachita upombo.”

—Luka 16:18

Kuli anthu adachita kale banja ndinalonga kuti nkazi akhondebswa kusiya mamunache. Ndi matongero adapabswa na Mbuya ene; si matongero anga basi tayu. Mbwenye nkazi angamwanzana na mamunache, anatongwa kukhala ekhene, peno anatongwa kusekerana poncho na mamuna-

che. Sawasawa mamuna akhondebswa kusiya nkazache. Nkazi anatongwa kukhala na mamunache mbali maso. Mbwenye mamunache angamala kufa, nkazi angafuna, achite poncho banja na mamuna unango; pinafunika kuti mamuna akhale nkristu basi.

—1 Akorintu 7:10, 11 na 39

“Mbwenye ine ndinakupangani kuti mamuna anamwala nkazache adakhonda kuchita upombo, ankhala nyaupombo angachita poncho banja na mamuna unango; mamunambo ule anachita upombo angampitisa n’nyumba mwache!”

—Mateyu 5:32

“Penepo chidzindikiro cha Mwanamunthu chinaoneka kudzulu. Madzindza onsene a pantsi pano anabulira angaona Mwanamunthu mbadza pa makole a kudzulu na mphambvu zikulu, na mbiri za Mulungu.”

—Mateyu 24:30

“Anthu anakhala na imwe, apasa Mulungu nkhodolo. Anandikhonda ine na Mphangwa zanga pa maso pavo, ule, Mwanamunthu anadzankhondambo angabwera na mbiri ya Babache pabodzi na aanju ache adidi.”

—Marki 8:38

Axamwali anga akufunika, chinchnino ndife ana a Mulungu. Pinadzakhala ife kutsogolo pidzati

kuoneka tayu. Mbwenye tisadziwa kuti Khristu angabwera, tinakhala na iye; thangwi tinamuona sawasawa ninga munakhalira iye. Munthu munthu anadikhira ipi na kunkhulupira Khristu, anakhala kutali na pyakuipa sawasawa ninga mudachitira Khristu.

—1 Juwau 3:2, 3

“Ndingamala, ndinabwera pontho mbandikukwatani, towera imwembo mukhalepo panakhala ine.”

—Juwau 14:3

“Sawasawa imwembo, khalani dzololo midzidzi yonsene, thangwi Mwanamunthu anabwera penepo pene panakhonda imwe kundikhira!”

—Luka 12:40

48 MAFALA A MULUNGU

“Kudzulu na pantsi panafudziwa, mbwenye mafala anga nkhabe.”
—Luka 21:33

Thangwi aprofeta hadapasa mphangwa na dzina yawo tayu. Nkhabe! Iwo aphatiwa na Nzimu wa Mulungu mbalonga pidaalongesa Mulungu. —2 Pedru 1:21

Pyonsene pidalembwa m'bukhu ya Mulungu, mphya Nzimu wache mbapiphedza kupfundzisa pyamaso, kupangiza pyapezi, kusan-duza pyakuipa na kudziwisa makhaliro akukoma kuli Mulungu.

—2 Timoti 3:16

KUMPHEMERA NA KULEKELERWA

“Mbwenye phemberani tenepa: Baba wathu wakudzulu, ndimwe wadidiretu; anthu onsene akusimbeni. Ndimwe mambo; bwerani dzakhala mambo wathu. Pinafuna imwe mbapichitwe pantsi pano ninga kudzulu. Tipaseni lero pinta-khalisa moyo. Tilekereni madawo athu ninga ifembo tinalekera andzathu madawo awo. Lekani kutiyesera tayu, mbwenye tipulumuseni m'pyakuipa. [Thangwi umambo na mphambvu na mbiri mphyanu pa kukhaliratu. Amen.] Mungalekera andzanu pyakuipa pidakuchitani iwo, Baba wanu wakudzulu anakulekeranimbo madawo anu.” —Mateyu 6:9-14

NJIRA YA MULUNGU YA CHIPULUMUSO

Ndisafuna Mpulumusi.

Onsene adawa mbataya pya
mbiri ya Mulungu pikhadasan-
khulirwa iwo. —Aroma 3:23

Khristu adafa thangwi ya ine.

Nyerezerani Khristu adafa kabodzi thangwi ya madawo a anthu
onsene. Ande, Khristu adakhonda
kudawa, afera anyakudawa!

—1 Pedru 3:18a

Ndisafuna kubweka kudawa kwanga.

Sanduzani mphapo makhaliro
anu, zungunukani kuna Mulungu.
—Machitiro 3:19a

Ndisafuna kutambiba Yezu na kunyinda.

Mbwenye anango antambira

mbankhulupira. Enewa apabswa
na iye mphambvu za kukhala ana
a Mulungu.

—Juwau 1:12

Ndisafunisa thangwi ya chidulumuso changa.

Adagumanyikana na Mwana
wa Mulungu ndiye ana moyo wa-
kukhaliratu. —1 Juwau 5:12a

Ndimo mwene, ndinakupangani
kuti onsene anabva mafala anga
mbakhulupira ule adandituma,
anakhala maso kuenda na kuenda;
hanatongwabve pa milando tayu,
thangwi amala kubuluka muli a-
kufa mbafika kale ku moyo waku-
khonda mala.

—Juwau 5:24

Published in numerous languages by World Missionary Press as God supplies funds in answer to prayer. Other booklets are also available. If you would like more copies for careful distribution, please write in English to:

World Missionary Press, Inc.
Box 120
New Paris, Indiana 46553 U.S.A.

Mozambique

262 Chisena HFA